


QVÆESTI-
ONES IN OF-
FICIA M. T.
CICERONIS:

Compendiariam totius
Opusculi Epitomen
continentes.



OXONIÆ,
Ex Officina Typographica Io-
SEPHI BARNESII, 1586.



VIRO
SVMME ERVDITO,
LAVRENTIO HUMFREDO,

COLLEGII MAGDALENENSIS,

in Academia Oxoniensi, Præsidi:

& singulis eiusdem Collegij

alumnis, Gratiā, &

pacem à Domino.



*Q*uod ab egenis bene-
merentibus (Orna-
tissime Humfrede),
quodque à liberis Pa-
rentibus; illud quic-
quid est, vobis à me,
vestroq; Collegio de-
betur officium. Nam
puer olim, cum Gram-
matices rudimenta vix degustāram, à Parente
(ut ita dicam) meo, Petro Morwingo (uti nosti)
ad Academiam Oxoniensem adductus, atq; illius
opera, & viri gravissimi, necnon doctissimi, Io-
annis Mullini beneficio (quos officij causā memi-
nisse iuvat) in triginta Gulielmi Wanfleti scho-
larium numerum coaptatus sum. Vbi (pro meo mo-
dulo) bonarum literarum scientiam in vestro Col-
legio, usq; ad quadragesimum aetatis meae annum;
item victum, & vestitum, unā cum omne genus
ornamentis scholasticis accepi. Cuius beneficij, nec
me, nec alios (quorum sunt quamplurimi) eodem
A 2 affectos,

EPISTOLA DEDIC.

*affectos, immemores esse decet. Qui igitur ad alti-
 ores honoris, & dignitatis gradus euecti, in iisdem
 adibus enutriti sunt, eosdē magnificis muneribus
 nutricem remuneraturos, & spero, & opto. Equi-
 dem quod possum, munusculum leuidentē, at pue-
 ris, & iuuenibus vestris non inutile: grati animi
 mei symbolum, vobis, in M.T.C. officia, quæstiones
 dono. Quas si æqui, boniq; consulatis, alacriorem
 me, ad alia maiora, in vestrum, & aliorum vsum,
 in posterum peragenda reddetis: sin minus, animus
 vobis, vestroq; collegio benefaciendi cupietissimus
 (Deo mihi semper opem, atque auxilium præben-
 te) nunquam imminuetur. Itaque Deum Opt.
 Max. precor, ut vos spiritu sancto suo regat, &
 omni literarum, cum humanarum tum diuina-
 rum scientiâ, ad suam gloriam, & Ecclesiæ adifi-
 cationem, cumulatifsi- ne exornet.
 Valete, Banburia, Idibus Nouembris, 1586.*

Vestri studiosissimus,

Thomas Brasbrigi- us.

QVÆSTIONES IN M. T. CICERO- NIS DE OFFICIIS LIBRVM PRIMVM.

Præceptor.

Discipulus.



AB ET multa (mi
puer) Marcus Cicero
ut dicta sapienter, ita
summo concinnitudi-
nis artificio eliminata.
Ceterum si quid ego
possum aut coniectura
probabiliter augura-
ri, aut iudicio definitè

statuere, nihil est, ex tam numerosâ eiusdè propa-
gini sobole, quod genuinam magis referat politi-
oris elegantia formam, seu orationis puritatem,
seu gravitatē spectes materia, quod cum hac exi-
guâ Ciceronis de officijs opellâ conferri aut com-
parari possit. Quare si mihi Socratico more brevi-
ter interroganti, compendiariam subieceris illius
opusculi comprehensionem, feceris & ætate tuâ
dignissimum, & authoritati meæ gratissimum.

Disc. Næ ego Præceptor, & mihi malè
cautus, & tibi perperam viderer ingratus; si
tibi tam iustum, tam utile, tam honestū im-

certè, æ-
què, &

QVÆSTIONES

peranti morem non gererem. Præsertim
 • cùm nihil sit à te in hoc opere expetitur,
 • quod non fuerit tua mihi industria ita prius
 • exploratè cognitum, vt sine vlla hæsitazione
 • facile & expeditè respondeam. Quare iube
 • obsecro quod vis, fiet vt potero quod ro-
 • gitas.

Præ. *Dic mihi inprimis ergo, quot ille libros
 de officijs scripserit?*

Disce. Tres Libellos.

Præ. *Quam tu ex istis utilitatem capias?*

Dis. Triplicem. Disco enim inprimis La-
 1. • tinè loquendi facultatem, quod est Gram-
 2. • matici: deinde rei amplificandæ seu dispu-
 • tandi modum, quod est Oratoris: postremò
 3. • vitæ rectè instituendæ rationem, quod est
 Philosophi.

Præ. *Quid est Grammatici proprium?*

1. • Dis. Propriè, intelligenter, & purè loqui.

Præ. *Quid est Oratoris proprium?*

2. • Dis. Aptè, distinctè, ornatèq; dicere.

præ. *Quid est Philosophi proprium?*

3. • Dis. Vitæ instituendæ rationē rectè docere.

CAPVT I.

Pr. *Quid agit Cicero libri primi cap. primo?*

Di. *Q* Primum caput est exordium totius
 • operis, in quo hortatur filium suum, vt libros
 • eius de officijs legat.

præ. *Qui*

IN LIBRVM I.

Præ. *Quibus argumentis hoc illi persuadere conatur?*

Dis. Duobus argumentis: Ab Vtili: Nam librorum eius lectionē vtilem esse significat, quia orationem latinam legendis illis, efficias pleniorē: deinde quia bene viuendi rationem inde discas.

Præ. *Nihilne præterea agit Cicero in hoc capite?*

Dis. Significat etiam diuersos esse bonorum fines, & varias Philosophorum sectas.

Præ. *Qui sunt bonorum fines?*

Dis. Virtus: Honores: Diuitiæ: Voluptas.

Præ. *Quisnam horum est maxime eligendus?*

Dis. Virtus.

Præ. *Quæ sunt præcipua Philosophorum sectæ?*

Dis. Secta Stoicorum, Peripateticorum, Academicorum, & Epicureorum.

Præ. *Quæ erant horum Philosophorum variæ opiniones?*

Dis. Stoici putabant virtutē esse summum, & solum bonum. Peripatetici affirmabant virtutem maximē propter se expetendam esse: eadem etiam erat opinio Academicorum; nihil autem pro certo affirmabant. Epicurei verò voluptatem summum bonum statuebant.

CAPVT 2.

Præ. *Quid agit Cicero in secundo capite?*

A 4

Dis. Re-

QVÆSTIONES

Dis. Reprehendit Panætium, quòd officij definitionem prætermiserit.

CAPVT 3.

Præ. **Q**uid agit in tertio capite?

Dis. Diuidit officiũ. Et illud definit officium de quo disputaturus est. Deniq; in eodem capite continetur propositio totius operis.

Præ. *Qua sunt officij genera?*

Dis. Vnum genus est quod pertinet ad finem bonorum; alterum quod positum est in præceptis. Item vnum officium medium dicitur, alterum perfectum.

Præ. *Quid est medium officium?*

Dis. Est actio vitæ humanæ cum virtute coniuncta. vel: Est quod cur factum sit, ratio probabilis reddi possit.

CAPVT 4.

Præ. **Q**uid agit Cicero in quarto capite?

Dis. Proponit quinque consilij capiendi quæstiones. Et eadem opera totius operis argumentum.

Præ. *Qua sunt illa quæstiones?*

1. *Dis.* Prima honestumne factum sit, an turpe, quod in deliberationem cadit?
2. Secunda duobus propositis honestis, vtrum honestius? Tertia conducat id necne de quo deliberant?
3. Quarta duobus propositis vtilibus, vtrum
4. crum

IN LIBRVM I.

trum vtilius? Quinta, & vltima cū pugnare videtur cum honesto id quod videtur esse vtile, vtrum sit eligendum?

Præ. *In quibus libris disputat de his questionibus?*

Dis. In primo libro disputat de prima, & secunda: in secundo de tertia, & quarta: in tertio de quinta.

CAPVT 5.

Præ. *Quid agit in quinto capite?*

Dis. **Q**uod primo docet quid commune sit omnium animantium: deinde quid maxime intersit inter hominem, & belluam; & eadem opera formā honesti, seu (vt quidam loquuntur) semina virtutum proponit.

Præ. *Quid commune est omnium animantium?*

Dis. Principio generi animantium omni est à natura tributum, vt se, vitam, corpusque tueatur, &c. Commune autem animantium omnium est coniunctionis appetitus procreandi causā, &c.

Præ. *Quid interest inter hominem, & belluam?*

Dis. Inter hominem, & belluam hoc maxime interest, quod hæc tantum quantum sensu mouetur, ad id solum quod adest, quodq; præsens est se accommodat, &c.

Præ. *Quot sunt virtutes?*

Dis. Virtutis genera sunt quatuor. Prudentia

QVÆSTIONES

dentia. Iustitia. Fortitudo. Temperantia.

Præ. *Quæ sunt semina Prudentiæ?*

Dis. Auditas videndi, audiendi, atq; discendi, & cognoscendi res occultas & admirabiles.

Præ. *Quæ sunt semina Iustitiæ?*

Dis. Orationis, & vitæ societas. Amorum qui procreati sunt. Studium parandi ea quæ suppeditent & ad cultum, & ad victum, sibi, coniugi, liberis, ceterisq; quos caros habeat, tueriq; debeat.

Præ. *Quæ sunt semina Fortitudinis?*

Dis. Appetitio quædam principatus, & animus parère recusans, nisi præcipienti, aut docti, aut utilitatis causa iustè & legitime imperanti.

Præ. *Quæ sunt semina Temperantiæ?*

Dis. Amor ordinis, decoris, constantiæ in dictis, factisq; & odium eorum quæ fiunt indecorè, effæminatè, libidinosèq;.

CAPVT 6.

Præ. *Q*uid agit Cicero in sexto capite?

Dis. *Q* Definit quatuor virtutes, earumq; naturam ostendit.

Præ. *Quid est Prudentia, eiusque natura quæ est?*

Dis. Prudentiæ natura est verum perspicere.

IN LIBRVM I.

cere. seu: Prudentia est perspicientia veri, solertiaq;.

Præ. *Quid est Iustitia?*

Dis. Iustitia est virtus, quæ in hominum societate tuenda, tribuendoq; suum cuique, & rerum contractarum fide versatur.

Præ. *Quid est Fortitudo?*

Dis. Fortitudo est virtus quæ in animi excelsi, atque inuicti magnitudine, ac robore versatur.

Præ. *Quid est Temperantia?*

Dis. Temperantia est virtus quæ in omnium quæ sunt, quæque dicuntur ordine, & modo versatur.

Præ. *Quid est Prudentia proprium munus?*

Dis. Indagatio, atque inuentio veri.

Præ. *Quid est Prudentia materia in qua versetur?*

Dis. Veritas, quam quidam Prudentiæ subiectum appellant.

Præ. *Quid interest inter Prudentiam, & reliquas virtutes?*

Dis. Prudentia in sola mentis agitatione, reliquæ virtutes in actione versantur.

CAPVT 7.

Præ. *Quid agit Cicero in septimo capite?*

Dis. *Q* Disputat de prudentia, quæq; in hac sunt fugienda vitia, seu (quod idem est) quæ

QVÆSTIONES

quæ huic virtuti sunt contraria docet.

Præ. *Quid est Prudentia contrarium?*

Dis. Imprudentia.

Præ. *Quot sunt imprudentia partes?*

Dis. Duæ: nimirum incognita pro cognitis habere, hisque temerè assentiri: deinde nimis magnum studium in res obscuras, atq; difficiles, easdèq; non necessarias conferre.

Præ. *Qua igitur in Prudentia fugienda sunt vitia?*

Dis. Eadem ipsa, ne incognita pro cognitis habeamus, hisque temerè assentiamur. alterum ne nimis magnum studium conferamus in res obscuras. &c.

præ. *Quomodo prius vitium effugiemus?*

Dis. Si ad res considerandas, tempus & diligentiam adhibeamus.

Præ. *Quomodo posterius vitium effugiemus?*

Dis. Si in rebus honestis, & cognitione dignis operam, curamque ponamus.

Præ. *Qua sunt res illæ honestæ, & cognitione dignæ?*

Dis. Studia scientiæ seu artes liberales, quæq; pertinent ad bene beateq; viuendū. his adduntur quæ pertinent ad priuatæ domus, atque reip. administrationem.

Præ. *Qua sunt artes liberales?*

Dis. Grammatica. Dialectica. Rhetorica.
Arythmetica.

Aryth
mia. l
Natur
studiu

Præ.

viuena

Dis.

quæ e

Chris

verun

Præ

admin

Dis

His a

rum

est.

Præ

Di

duas

Præ

Di

item

nefi

Præ

D

vt c

pri

IN LIBRVM I.

Arythmetica. Geometria. Musica. Astronomia. his addas Philosophiam quam vocant Naturalem, item Medicinæ & Iuris ciuilis studium.

Præ. *Quæ scientia pertinent ad bene, beateq³ viuendum?*

Dis. Apud Ethnicos moralis Philosophia, quæ erroneis opinionibus corrupta est. Apud Christianos verò Theologia, quæ purum, & verum Dei verbum docet.

Præ. *Quæ pertinent ad priuatæ domus, & reip. administrationem?*

Dis. Philosophia æconomica, & politica. His addatur historiarum, seu rerum gestarum cognitio, cuius in omni vitæ genere vsus est.

CAPVT 8.

Præ. *Q^{uid} agit Cicero in octauo capite?*

Dis. Disputat de Iustitia, eamque in duas diuidit partes.

Præ. *Quæ sunt Iustitiæ partes?*

Dis. Vna est quæ generali nomine, Iustitia, item quæ æquitas appellatur: altera quæ beneficentia, seu liberalitas nominatur.

Præ. *Quæ sunt Iustitiæ munera?*

Dis. Primum est ne cui quis noceat: deinde vt communibus vtatur vt communibus, & priuatis vt suis.

præ.

QVÆSTIONES

præ. *Quæ sunt communia?*

Dis. Omnia natura sunt communia.

præ. *Quomodo igitur sunt priuata plerag?*

Dis. Veteri occupatione, Victoria, Lege, Pactione, Conditione, Sorte.

CAPVT 9.

Præ. *Q*uid agit Cicero in nono capite?

Dis. Docet quid sit Iustitiæ fundamentum.

Præ. *Quid est Iustitia fundamentum?*

Dis. Fides.

præ. *Quid est fides?*

Dis. Est dictorum conuentorumque constantia, & veritas.

præ. *Vnde ducitur fides?*

Dis. A fio & dico. Fides enim dicitur, quia fiat quod dictum est.

CAPVT 10.

Præ. *Q*uid agit Cicero in decimo capite?

Dis. Docet quæ sint iniustitiæ genera: seu (quod idem est) quæ in Iustitia sint fugienda vitia.

Præ. *Quæ sunt iniustitia genera?*

Dis. Vnum est eorum qui inferunt: alterum eorum, qui ab ijs, quibus infertur, non propulsant iniuriam.

Præ. *Quæ sunt causa Iniuria inferenda?*

Dis. Ira, Metus, Auaritia, Ambitio.

Præ.

IN LIBRVM I.

Præ. *Quid est auaritia?*

Dis. Est diuitiarum appetitio cum damno alterius.

præ. *Quamobrem expetuntur diuitia?*

Dis. Expetuntur ad vsus vitę necessarios: ad perfruendas voluptates: ad gratificandi facultatem: ad magnificos apparatus, vitęq; cultum cum elegantia.

præ. *Quid est Ambitio?*

Dis. Est iniusta honoris appetitio.

præ. *Quibus rationibus probat Cicero Ambitionem esse iniuria inferenda causam?*

Dis. Ennij poëtę testimonio, & C. Cæsaris exemplo.

CAPVT II.

Præ. *Q*uid agit Cicero in undecimo capite?

Dis. Dicit iniuriam aliam, alia esse leuiorem.

præ. *Qua sunt leuiores iniuria?*

Dis. Quę repentino aliquo motu accidunt, leuiores sunt ijs, quę meditata, & præparata inferuntur.

CAPVT 12.

Præ. *Q*uid agit in duodecimo capite?

Dis. Secundi generis iniustitiar, nimirum non propulsandar iniuriar, causas docet.

præ. *Quae sunt non propulsanda iniuria cause?*

Dis. Fuga

QVÆSTIONES

Dis. Fuga inimicitiarum laboris, & sumptus, negligentia, pigritia, inertia, occupationes, studium rei familiaris tuendæ, & odium quoddam hominum.

CAPVT 13.

Præ. Q *Vid agit Cicero in decimo tertio capite?*

Dis. Docet officium circumstantijs commutari, & quod maximè videtur iusto homine dignum, fieri contrarium: etiam promissis non stare aliquando licere.

Præ. *Quibus non licet promissis stare?*

Dis. 1. Quæ sunt ijs quibus promiseris inutilia. 2. Quæ plus noceant promittenti, quàm prosint ei cui promiserit. 3. Quæ coactus quis metu, 4. Quæ deceptus dolo promiserit.

Præ. *Quæ præcipuè spectanda sunt in promissis faciendis?*

Dis. Primò videndum ne cui noceatur, deinde vt communi vtilitati seruiatur.

CAPVT 14.

Præ. Q *Vid agit in decimo quarto capite?*

Dis. Docet existere sæpe iniurias calumnia quadam, & callida verborum interpretatione.

Præ. *Quomodo hoc docet?*

Dis. Exemplis duorum callidorum, quorum

IN LIBRVM I.

rum alterum non nominat, qui cum triginta dierum essent cum hoste pacte inducie, noctu populabatur agros, quod dierum essent pacte, non noctium inducie. Alterum exemplum est Q. Fabij Labeonis, qui arbiter Nolanis, & Neapolitanis de finibus datus, aliquantum agri callide utrisque surripuit.

CAPVT 15.

Præ. *Q*uid agit in decimo quinto capite?

Dis. *Q* Bellica docet officia, deinde aduersus seruos iustitiam esse seruandam.

Præ. *Quam ob causam suscipiendum est bellum?*

Dis. Vt sine iniuria in pace viuatur.

Præ. *Quodnam bellum iustum est?*

Dis. Quod ad propulsandam iniuriam suscipitur, quodque rebus repetitis geritur, atque denunciatum est antè & indictum.

Præ. *Quanam officia belli præcipue sunt seruanda?*

Dis. Primum est vt milites cum hostibus non pugnent, nisi militie sacramento prius obligati.

Præ. *Quomodo hoc docet Cicero?*

Dis. Authoritate Catonis, hac de re scribentis, & ad Pompilium imperatorem, & ad M. filium.

B I.

Præ.

QVÆSTIONES

Præ. *Quodnam est secundum officium?*

Dis. Vt non acerbè gerantur bella, cū de imperio decertatur, belloq; quæritur gloria. Quod Romanorū, & Pyrrhi exemplo docet. præ. *Quodnam est tertium?*

Dis. Vt parta victoria conseruentur ij, qui non crūdeles in bello, nec immanes fuerunt: vtq̃ue recipiantur, qui armis positis, ad imperatorum fidem confugiunt, vt Romani sæpè fecerunt.

præ. *Quodnam est quartum in bello seruandum officium?*

Dis. Vt singuli milites fidem conseruent, si quid temporibus adducti hosti promiserint. Quod Cicero docet duobus exemplis. Reguli nimirum, qui captus à Pœnis, cū Romam missus esset, iurassetq; se rediturum: ad supplicium redire maluit, quàm fidem hosti datam fallere: deinde Censorū Romanorum, qui illos decē quos Annibal Romā astrictos misit iurciurando se redituros, nisi de redimendis ijs qui capti erant impetrassent, quoad quisque illorum vixit qui peccassent, in erarijs reliquerunt, nec minus illum, qui iurisiurādi fraude culpā inuenerat.

præ. *Iam restat vt de Iustitia aduersus seruos seruanda dicas?*

Dis. His vtī oportet vt mercenarijs ad operam

IN LIBRVM I.

peram exigendam, & iusta præbenda.

CAPVT 16.

præ. **Q**uid agat Cicero in decimo sexto capite?

Dis. De secunda iustitiæ parte disputaturus, beneficentia nimirum, seu liberalitate: quas illa habet cautiones docet.

præ. *Quæ in beneficentia cauenda sunt?*

Dis. Videndum est primum ne obfit benignitas, & ipsis quibus benignè videbitur fieri, & cæteris. Deinde ne maior benignitas sit, quam facultates. tum, vt pro dignitate cuique tribuatur.

præ. *Quæ spectanda sunt vt pro dignitate cuique tribuatur?*

Dis. Mores eius in quem beneficium conferetur, & animus erga nos, & communitas, ac societas vitæ, & ad nostras utilitates officia antè collata.

CAPVT 17.

præ. **Q**uæ in moribus sunt considerata?

Dis. Nemo est negligendus, in quo aliqua significatio virtutis appareat. Colendus est autem vnusquisq; maximè, vt quisq; maximè temperantia, & iustitia erit ornatus.

CAPVT 18.

præ. **Q**uid de hominum animo erga nos dicit Cicero?

QVÆSTIONES

Dis. Ei plurimum tribuendum, à quo plurimum diligimur: Quam beneuolentiam, non adolescentulorum more, ardore quodam amoris, sed stabilitate, & constantia iudicemus oportet.

CAPVT 19.

præ. **Q**uid de officijs ad nostras utilitates ante collatis dicit?

Dis. Dicit ei à quo beneficium acceperis gratiam esse referendam: quo officio, nullum est magis necessarium. Deinde ei à quo plurimum acceperis, plurimum deberi, modò non temeritate quadam, seu repentino animi impetu, sed iudicio, consideratè, constanterq; delata sint beneficia. Denique si cætera sint paria, vt quisque maximè indigeat, ita ei potissimum opitulari oportet, siue beneficium collocemus, siue gratiam referamus.

CAPVT 20.

præ. **Q**uid de communitate, & vita societate dicit?

Dis. Vt quisque erit coniunctissimus, ita in eum benignitatis plurimum conferendum esse. Coniunctionis verò gradus sunt plurimi.

præ. Quinam sunt societatis humanae gradus?

Dis. Primus & latissimè patens est vniuersi

IN LIBRVM I

-uerſi generis humani ſocietas.

præ. *Quodnam eſt eius vinculum?*

Diſ. Ratio, & oratio, quæ docendo, diſcendo, communicando, diſceptando, iudicando, conciliat inter ſe homines, coniungitque naturali quâdam ſocietate.

præ. *Quanam officia in hac ſocietate hominibus tribuenda ſunt?*

Diſ. Ea quæ deſcripta ſunt legibus, & iure ciuili, & quicquid ſine detrimento poſſit commodari, id tribuendum eſt vel ignoto, vt non prohibere aquam profluentem, pati ab igne ignem capere, & ſi quis velit, conſilium fidele deliberanti dare, lumen de ſuo lumine accendere, & id genus alia.

CAPVT 21.

præ. *Quamnam ſunt ſocietatis humanae gradus reliqui?*

Diſ. Societas eiufdem gentis, nationis, linguæ. Deinde ciuium inter ſe. Præterea propinquorum, & eorum, qui connubiorum ratione nobis coniuncti ſunt. Sed omnium ſocietatum præſtantiffima, & firmiſſima eſt amicorum, cum viri boni, moribus ſimiles, coniunguntur. Magna etiam communitas eſt, quæ conficitur ex beneficijs, vltro, citroque datis, acceptisque; atqui omnium ſocietatum gratiſſima, & chariſſima eſt ea, quæ

QVÆSTIONES

cum rep. est vnicuique nostrum.

CAPVT 22.

præ. **Q**uid præterea de beneficentia & liberalitate dicit Cicero?

Dis. Dicit in omnibus societatis gradibus videndum esse quid cuique maximè necesse sit, & quid quisque nobiscum, aut sine nobis, aut possit consequi, aut non possit, Quandoque enim accidit, vt vicini necessitas, propinquorum vtilitati sit præferenda. Deinde admonet vt quæ officij præcepta traduntur, illa faciamus, exerceamusque.

CAPVT 23.

præ. **Q**uid in sequente capite?

Dis. **Q** In sequente cap. viz. vicesimo tertio aggitur disputationem de fortitudine: quam virtutem splendidissimam videri; ratione à contrario, & exemplis docet.

CAPVT 24.

præ. **Q**uid agn. Cicero in vicesimo quarto capite?

Dis. Docet esse quandam animi elationē, quæ fortitudo esse videtur, & non est: itē in elatione, & magnitudine animi pertinaciam, & nimiam principatus cupiditatem innasci, quibus ad res iniustas impelluntur homines.

præ. Quæ animi elatio, vera fortitudo est dicenda?

Dis.

IN LIBRVM I.

Dis. Ea quæ pugnat non pro suis commodis, sed pro salute communi, quæq; non sua cupiditate, ad labores, & pericula suscipienda, sed vtilitate ciuium impellitur.

CAPVT 25.

Præ. **Q**uid agit Cicero in vicesimo quinto capite?

Dis. Fortitudinem in duas diuidit partes, prioremque partem duplicem esse docet: deinde fortis viri quædam tradit officia.

Præ. *Quæ sunt fortitudinis partes duæ?*

Dis. Vna in rerum externarum despicientia ponitur: altera est res gerere, magnas illas quidem, & maximè viles: sed vehementer arduas, plenasque laborum, & periculorum cum vite, tum aliarum rerum ad vitam pertinentium.

Præ. *Quæ sunt rerum externarum despicientie partes?*

Dis. Prior est nihil nisi quod honestum, decorumque sit, aut admirari, aut optare, aut expetere: posterior nulli neque homini, neque perturbationi animi, nec fortunæ succumbere.

Præ. *Quæ sunt fortis viri officia?*

Dis. Vacandum est illi omni animi perturbatione. Vt metu, iracundia, dolore, voluptate, atque cupiditate pecuniæ, & hono-

QVÆSTIONES

ris. Deinde ijs, qui habent à natura adiumenta rerum gerendarum, adipiscendi magistratus sunt, & gerenda resp. est. Denique illis, qui in rerum gerendarum deliberationem incidunt, considerandum est, ne aut temerè desperent propter ignauiam, aut nimis confidant propter cupiditatem.

CAPVT 26.

præ. **Q** Vid agit Cicero in vicesimo sexto capite?

Dis. Docet res urbanas, bellicis esse maiores. idque cùm Grecorum, tum Romanorum propositis exemplis atq; imperatorum, & eorum qui remp. in pace administrarunt, collatis rebus gestis.

CAPVT 27.

præ. **Q** Vid agit in capite vicesimo septimo?

Dis. Quoddam viri fortis, in bello tradit officium: nimirum in euertendis diripiendisq; urbibus, ne quid temerè, ne quid crudeliter fiat, sed vt fontes puniantur, multitudo autem conseruetur.

CAPVT 28.

præ. **Q** Vid agit in capite vicesimo octauo?

Dis. Alia viri fortis, in bello tradit officia.

præ.

IN LIBRVM I.

præ. *Quanam sunt illæ?*

Dis. Nunquam periculi fuga cōmittendum, vt imbelles, timidiq̃ue videamur. Fugendum etiam illud, ne offeramus nos periculis sine causa. Promptiores esse debemus ad nostra pericula, quàm ad communia, dimicareq̃; paratiores de honore, & gloria, quàm de cæteris commodis: gloriam tamen nostram, publicę vtilitati, antepone non oportet. Itaq̃; non Callicratidis, nec Cleombroti Lacedæmoniorum ducum, sed Q. Fabij Max. Romanorum imperatoris exemplum est imitandum.

præ. *Quid malè fecerunt Callicratides, & Cleombrotus?*

Dis. Callicratides cum Atheniensibus dimicare, classemq̃; Lacedæmoniorum amittere maluit, quàm eam ab Arginuis remouere, vt fugę ignomiã, & dedecus euitaret. Cleombrotus verò, inuidiam timens, temerè cum Epaminunda conflictit, quo, cum exercitu superato, Lacedæmoniorum opes corruerunt.

præ. *Quid laude dignum fecit Q. Fab. max.*

Dis. Ille cum Hannibale conferere, & pugnam inire noluit, donec facile hostes se vincere posse cerneret: diuque cunctatus, magnam sibi contraxit ignominiam: tandem

il. 56.

Q. fab. max.

QVÆSTIONES

dem adortus hostem, eum superabit, atque sibi gloriam, & reip. salutem recuperavit.

CAPVT 29.

præ.

Quid agit Cicero in capite vicesimo nono?

Dis. Viri fortis in pace, quædam tradit officia.

præ. *Quenam sunt illa?*

Dis. Vt se totum reip. tradat, non opes, non potentiam consecetur: sed vt utilitatem ciuium sic tueatur, vt quicquid agat ad eam referat, oblitus cominodorum suorum: vt non partem aliquam, videlicet plebem relictis nobilibus, nec optimates deserta plebe, sed totum corpus reip. curet. Denique vt neminem criminibus falsis in odium, aut inuidiam vocet, omninoque ita iustitiæ, & honestati adhærescat, vt dum eam conseruet, quemuis grauius offendant, mortemque oppetat potius, quam hæc deserat officia.

CAPVT 30.

præ.

Quid agit Cicero in capite tricesimo?

Dis. Docet testimonio Platonis, & exemplo P. Africani, & Q. Metelli, viro magnanimo, ambitionem, honorumque contentionem esse fugiendam, vtpote reip. perniciosissimam.

CA-

IN LIBRVM I.

CAPVT 31.

præ. Q *Vid agit in tricesimo primo capite?*

Dis. Q Dicit esse contra officium magnanimi grauitè irasci inimicis, aut alijs, quod nobis displicet facientibus: ita tamen placabilitatem, mansuetudinem, & clementiam probandam esse, vt adhibeatur reip. causa seueritas.

CAPVT 32.

præ. Q *Vid agit in tricesimo secundo capite?*

Dis. Q Puniendi, & castigandi rationem tradit.

præ. Q *Quanam est illa?*

Dis. Vt animaduersio, & castigatio contumelia vacet: vt non ad eius qui punit, sed ad reip. vtilitatem referatur: vt non maior sit pœna quàm culpa; vt qui eodem modo peccant, eodem modo plectantur. deniq; vt magistratus, nunquam iratus ad pœnâ accedat.

CAPVT 33.

præ. Q *Vid agit in tricesimo tertio capite?*

Dis. Q Præcipit vt in rebus secundis superbiam, fastidium, atque arrogantiam fugiamus, vtq; in omni vita æquabilitatem seruemus. idq; Socratis, C. Lælij, & Philippi, Macedonum regis docet exēplis, atq; Africani apothegmate. Denique consulit, vt in rebus prosperis, consilio vtamur amicorum,

ne

QVÆSTIONES

ne assentatoribus decepti, contra fortis viri
officium faciamus

CAPVT 34.

præ. *Q*uid agit in tricesimo quarto capite?

Dis. *Q* Significat, etiam si illi maximè
fortes sint appellandi, qui rempub. in bello,
aut in pace bene administrant; esse tamen
quosdam in vita ociosa magnanimos, qui re
sua familiari cum honestate parta, rectè v-
tantur.

CAPVT 35.

præ. *Q*uid agit in capite tricesimo quinto?

Dis. *Q* Aggreditur disputationem de
temperantia: in qua continetur verecundia,
modestia, omniq; sedatio perturbationum
animi, rerum modus, & decorum illud, quod
Græcè τὸ ἀπὸ τοῦ dicitur: Quod quomodo ab
honesto differat, facilius intelligi, quàm ex-
planari potest.

CAPVT 36.

præ. *Q*uid agit in tricesimo sexto capite?

Dis. *Q* Enumeratione, & similitudine
docet, decorum ad omnem honestatem per-
tinere: deinde idē diuidit in generale quod-
dam decorum, & aliud huic subiectum, atq;
vtrumque definit: denique ostendit quid in-
ter sit inter poëticum & philosophicum de-
corum, item inter iustitiam, & verecundiam.

præ.

IN LIBRVM I.

præ. *Quomodo definit generale decorum?*

Dis. Decorum id est, quod consentaneum sit hominis excellētiz, in eo, in quo natura eius à reliquis animantibus differat.

præ. *Quomodo definit illud decorum, quod generali subiectum est?*

Dis. Hoc decorum est: quod ita naturæ consentaneum sit, vt in eo, moderatio, & temperantia appareat, cum specie quadam liberali.

præ. *Quid interest inter poeticum, & Philosophicum decorum?*

Dis. Poëtæ in magna varietate personarum, tam vitiosis, quàm honestis, quid conueniat, & quid deceat videbunt: philosophi verò (quorum decorū non in scena, sed in vita elucet) videbunt quid cū ordine, cōstātia, & moderatione dictorum omnium, atque factorum conueniat, ita vt approbationem eorum, quibuscum viuitur, moueat.

præ. *Quid interest inter iustitiam, & verecundiam?*

Dis. Iustitiæ partes sunt: non violare homines: verecundiæ non offendere: in quo maximè perspicitur vis decori.

Præ. *Quorsum hac omnia in hoc capite à Cicerone exponuntur?*

Dis. Vt magis intelligatur quale sit id quod

QVÆSTIONES

quod decere dicit.

CAPVT 37.

præ. *Q*uid agit in tricesimo septimo capite?

Dis. Dicit decori vim in omnibus esse honesti partibus, maximam verò in temperantia: eamque diuidit in motus animi, & corporis, qui ad naturam sunt accommodati.

CAPVT 38.

præ. *Q*uotuplex est animi motus?

Dis. Duplex. Vnus in appetitu ponitur, qui hominem huc, & illuc rapit: alter in ratione, quæ docet, & explanat quid faciendum, fugiendumque sit. Tum verò homines officium suum faciunt, cum appetitus rationi obtæperat, ita ut omnes omnium actiones temeritate, & negligentia vacent: atque ita se gerant homines, ut à natura generatos, non ad ludum, & iocum, sed ad quædam studia grauiora, atque maiora.

præ. *An non licet ludo, & ioco uti?*

Dis. Licet quidem, sed ut somno, & quietibus cæteris: tum cum grauib, serijsque rebus satisfecerimus. Ipsumque genus iocandi non profusum, nec immodestum, sed ingenuum, & facetum esse debet.

CAPVT. 39.

præ. *Q*uotuplex est iocandi genus?

Dis. Duplex. Vnum illiberale, petulans,

IN LIBRVM I.

tulans, flagitiosum, obscœnum: alterum elegans, vrbani, ingeniosum, facetum. Alter iocus, si tempore sit, ac remisso animo, homine est dignus: alter ne libero quidem, si rerum turpitudini, adhibetur verborum obscœnitas.

CAPVT 40.

præ. *Q*uomodo ludo uti licet?

Dis. Ludendi est modus adhibendus, ut ne nimis omnia profundamus: elatiq; voluptate, in aliquam turpitudinem delabamur.

CAPVT 41.

præ. *Q*ua ratione fiet ut ludendi modus adhibeatur?

Dis. Si in promptu habeamus quantum natura hominis, pecudibus, reliquisq; bestiis antecedit: ita ad corporis voluptatem (quod pecudum est) propensiores non erimus, nedum victum, cultumq; corporis, ad voluptatem, sed potius ad valetudinem & ad vires referemus: nec luxuria diffluemus, sed parcè, continenter, seuerè, sobrieq; viuemus.

CAPVT 42.

præ. *Q*uod duplex est natura hominis?

Dis. Duplex. Nam duabus quasi nos à natura personis indutos esse (inquit Cicero) quarum vna est communis, ex eoque omnes

QVÆSTIONES

omnes participes sumus reliquis, præstantiæque eius, qua antecellimus bestiis: à qua omne honestum, decorumque trahitur: altera, quæ propriè singulis est attributa: ex qua maximæ animorum varietates gignuntur: quod similitudine, atque multorum exemplis docet Cicero.

præ. *Quodnam de decoro præceptum Philosophicum in hoc capite docet?*

Dis. Nimirum sic esse faciendum ut contra naturam vniuersam nihil contendamus: ea tamē conseruata, propriam naturam esse sequendam, quod exemplis & alijs argumentis confirmat.

CAPVT 43.

præ. **A** *N non sunt alia hominis persona, præter has, quibus à natura induti sumus?*

Dis. Sunt præterea duæ. Vna, quam casus aliquis (ut ille loquitur) vel tempus imponit: talis est persona regū, imperatorū, nobilium, honorificorū, diuitum opulentorum, & eorū, quorum vita est cōtraria: altera quam nobismetipsis iudicio nostro accommodamus, ut cum vitæ genus nobis constituamus.

CAPVT 44.

præ. **Q** *Vidnam de vitæ genere constituendo docet Cicero?*

Dis.

IN LIBRVM I.

Dis. Multos, multa sequi. Quidam enim ineunte adolescentia, vitæ genus deligunt. ut de Hercule scribitur apud Xenophōtem: quidam multitudinis iudicio feruntur, quæque maiori partì pulcherrius videntur, ea maximè exoptant: Plerique verò parentum præceptis imbuti, ad eorum consuetudinem moremque deducuntur. In hac deliberatione, & naturæ, non vitiosæ, & fortunæ ratio est habenda: sed naturæ magis: Quâ qui sequitur, constantiam teneat. Quod si acciderit quenquam errasse in deligendo vitæ genere, facienda est mutatio sensim, pedetentimque. Denique de maioribus imitandis; hoc primum exceptum sit, ne vitia imitentur: deinde si quædam imitari non possint, illa præstare debeamus, quæ in nostra sunt potestate.

CAPVT 45.

Præ. Quid præterea de decoro præcipi?

Dis. Docet quæ adolescentes deceant maximè, quæ senes, quæ magistratus, quæ priuatos, atque peregrinos: quis motus, & status corporis, atque animi: quis sermo decorus. Denique quæ ædificia sunt decora.

Præ. Quæ decent adolescentes?

Dis. Adolescentis est maiores natu vereri, ex hisque diligere probatissimos, quorum consilio, atque autoritate nitatur. Maximè

QVÆSTIONES

autem à libidinibus arcendi sunt adoleſcentes, exercendiq̃ in labore, patientiaq̃ & animi, & corporis. Hos deniq; temperantes, & verecundos eſſe oportet.

CAPVT 46.

Præ. Quid decent ſeres?

Diſ. **Q**uæ Exercitationes animi illis augendæ ſunt, vt amicos, iuuentutem, & maximè remp. conſilio, & prudentia quàm plurimùm adiuuent. Languorem, deſidiam, luxuriam, atq; libidinum intemperantiam, illos maximè cauere oportet.

CAPVT 47.

Præ. Quid magiſtratus, & priuatos decent?

Diſ. **Q**uod Magiſtratus eſt officium, ciuitatis dignitatem, & decus ſuſtinere, ſeruare leges, iura deſcribere, & ea fidei ſuæ commiſſa meminiffe: priuatum autem oportet æquo, & pari cum ciuibus iure viuere, neque ſubmiſſum & abiectum, nec ſe effe- rentem: tum in rep. ea velle, quæ tranquilla, & honeſta ſunt.

Præ. Quid peregrinos decet?

Diſ. Peregrini, & incolæ officium eſt: nihil præter ſuum negotium agere, nihil de alio inquirere, minimeq; in aliena eſſe rep. curioſum.

CA-

IN LIBRVM I.

CAPVT 48.

Præ. *Q*uis motus, & status corporis est decorus?

Dis. Decorum in motu, & statu corporis, positum est in formositate, ordine, & ornatu, ad actionem apto: in quibus curam habere oportet, ut probemur ijs quibuscum, & apud quos viuamus.

CAPVT 49.

Præ. *Q*uæ cura est habenda ut probemur ijs quibuscum viuamus?

Dis. Curandum ut quas corporis partes natura occultauit, ab oculis hominum remoueamus, quarumque partium vsus sunt necessarij, nec eas, neque earum vsus, suis nominibus appellemus, quodque facere, turpe non est, modò occultè, id non dicamus, quia obscænum. In statu, incessu, sessione, accubatione, vultu, oculis, manuum motu, ab omni oportet fugere, quod abhorret ab ipsa oculorum, auriumque approbatione: in quibus hæc maximè sunt curanda, ne quid effœminatum, aut molle, ne quid durum, aut rusticum sit.

CAPVT 50.

Præ. *Q*uid præterea de corporis motu præcipit Cicero?

Dis. Remoueatur a forma (inquit) omnis mulie-

QVÆSTIONES

muliebris, seu viro non dignus ornatus: & huius simile vitium in gestu, motuque cauetur. Itaque palæstrici motus, & histrionum nonnulli fugiendi sunt. Cauendum ne aut tarditatibus utamur in gressu mollioribus, aut in festinationibus suscipiamus nimias celeritates. Denique adhibenda est munditia neque exquisita nimis, neque agrestis: sic in vestitu, mediocritas est optima.

Præ. Nunquid præterea de animi motu præcipit?

Dis. Idem ferè quod antea in capite tricesimo octauo: Maximè videlicet elaborandum esse, ne animi motus à natura recedant: ut si caueamus ne in perturbationes, atque exanimationes incidamus; & si attentos animos ad decori conseruationem tenebimus. Cumque motus animorum sint duplices: cogitationis atque appetitus; cogitatio autem in vero exquirendo maximè versetur, appetitus verò impellat ad agendum: Curandum ut cogitatione ad res quam optimas utamur, appetitum rationi obedientem præbeamus.

CAPVT XI.

Præ. Quid de sermone, seu potius oratione decora docet?

Dis. Orationis vim esse duplicem: alteram
ram

IN LIBRVM I.

ram contentionis, alterā sermonis. Contentio disceptationibus tribuatur iudiciorum, concionum, senatus: sermo in circulis, disputationibus, & cōgressionibus familiariū versetur. Deinde vocem esse orationis iudicem: quam claram, & suauem esse oportet. literæ neq; expressæ, neq; oppressæ, vox sine contē-
tione nec lāguens, nec canōra: oratio deniq; vberior, nec minus faceta esse debet. Hæc verò præcipuè ad contentionem spectant.

CAPVT 52.

Præ. *Q*uis sermo decorus?

Dis. *Q* Lenis minimèque pertinax. In sermone communi, vicissitudini vtēdum. Serijs rebus, seueritas: iocosis, lepos adhibē-
dus. Prouidendum ne sermo vitium aliquod indicet inesse moribus. Nihil igitur de absē-
tibus detrahēdi causa, aut per ridiculum, aut feuerè, aut maledicè, contumelioscq; loquē-
dum. Oratio (si aberrare cœperit) ad illud re-
uocanda, de quo sermones habentur. Sermo etiā delectationem habeat: & vt incipiēdi ratio fuerit, ita sit desinendi modus: nec in eo ira, aut cupiditas aliqua, aut pigritia, aut ignaui-
a, aut quid tale appareat, maximeq; curandum est, vt eos, quibuscum sermones conferimus, & vereri, & diligere videamur. Si obiurgatione vtēdum sit, ira procul absit,

QVÆSTIONES

cum qua nihil rectè fieri, nihil consideratè potest. Itaq; gravitate adiuncta, & seueritas adhibeatur, & contumelia repellatur. Denique in sermone de se ipso prædicare non oportet, falsa præsertim: quod qui faciunt, cum irrisione audientium, militem gloriosum imitantur.

CAPVT 53.

Præ. *Q*uid de ædificijs docet Cicero?

Dis. *Q*uædã descriptionem, ad vsum (qui finis est domus) accommodandam esse, adhibita dignitatis, commoditatique diligentia: cum cura etiam laxitatis, si domus sit clari hominis, in quam & hospites multi recipiendi sunt, & admittenda hominis cuiusque generis multitudo: Aliter ampla domus dedecori domino sæpe sit, si est in ea solitudo. Cauendum est etiam ædificanti, ne extra modum sumptu, & magnificentia prodeat.

CAPVT 54.

Præ. *Q*uid præterea de decoro præcipit?

Dis. *Q*uod in omni actione suscipienda, tria esse tenenda: primum, vt appetitus rationi pareat: deinde vt animaduertatur, quanta illa res sit, quam efficere velimus, vt neue maior, neue minor cura, & opera suscipiatur, quam causa postulet: tertium vt caueamus,

IN LIBRVM I.

vt ea quæ pertinent ad liberalem speciem, & dignitatem, moderata sint. Horum autem trium, præstantissimum est, appetitum obtemperari rationi.

CAPVT 55.

Præ. *Q*uid præterea in hoc tractatu agitur?

Dis. *Q* De ordine rerum, & temporum opportunitate dicturus, quasdam voces ad hunc tractatum pertinentes definit: nimirum *ἁρμόζια*, *ἀναγκαῖα*, & ordinem.

Præ. *Quid est ἁρμόζια?*

Dis. *ἁρμόζια* illa, in qua intelligitur ordinis conseruatio, quam & modestiam appellare licet: est scientia earum rerum, quæ agentur, aut dicentur, loco suo collocandarum. Vel est scientia opportunitatis idoneorum ad agendum temporum.

Præ. *Quid est ἀναγκαῖα?*

Dis. Est tempus actionis opportunum.

Præ. *Quid est ordo?*

Dis. Est compositio rerum, aptis, & accommodatis locis.

CAPVT. 56.

Præ. *Q*uid est actionum ordo adhibendus?

Dis. *Q* Is qui in definitionibus describitur superioribus, nimirum vt omnia loco, & tempore opportuno fiant: vt in vita, omnia fiant apta inter se, & conuenientia: ita

QVÆSTIONES

et eorum approbationem; quibuscum viuitur, moueant.

Præ. Qua huic ordini repugnant?

Dis. In re seuera, conuiuio dignum, aut delicatum aliquem inferre sermonem, & contrâ, in conuiuio meditari, aut aliquid aliud attentius cogitare, in foro cantare, & alia huius generis peruersa facere: Ab his, & alijs paruis delictis, quæ à multis intelligi non possunt, diligentius est declinandum.

Præ. Quomodo intelligemus illa parua, quæ ab actionum ordine discrepant?

Dis. Si diligentes iudices esse volumus, animaduersoresque vitiorum, ex oculorum obtutu, ex superciliorum aut remissione, aut contractione, ex inuestitia, ex hilaritate, ex risu, ex locutione, ex reticentia, ex contentione vocis, ex submissione, & cæteris similibus, facile iudicabimus, quid eorum aptè fiat, quid ab officio, naturaque discrepet. Præterea si quid in alijs cernamus, quod de-deceat, ex illis facilius iudicare licet, quid nobismetipsis vitandum sit. Denique adhibere doctos homines oportet, vel etiam vsu peritos, & quid his de vnoquoque officij genere placeat exquirere.

Præ. Quanam statuit Cicero ea esse quæ ad honestum actionum ordinem pertinent?

Dis.

IN LIBRVM I.

Dis. Illa facere quæ more aguntur, & institutis ciuilibus, cynicorum rationem vitare, verecundiam seruare, eos quorum vita perspecta est in rebus honestis, bene de rep. sentientes, honore aliquo affectos obseruare, & colere: tribuere multum senectuti, cedere ijs qui magistratum habebunt, habere delectum ciuis, & peregrini, denique communem totius generis hominum consociationem colere, tueri, atque seruare.

CAPVT 57.

Præ. **A** N quicquam præterea in hoc tractatu agitur?

Dis. Quædam scribit de artificijs, & quæstibus: quosdam liberales habendos esse, quosdam verò illiberales.

Præ. *Qui liberales quæstus habendi sunt?*

Dis. Quæstus mercenariorum, & eorum omnium, quorum artes emuntur, & eorum qui mercantur à mercatoribus, quod statim vendant. Item artes omnium opificum, maximèque illæ, quæ Ministræ sunt voluptatû, vt cetariorum, laniorum, coquorum, factorum, piscatorum, his addas vnguentarios, saltatores totumque ludum talarium.

Præ. *Quæ artes sunt liberales?*

Dis. Medicina, Architectura, Doctrina rerum honestarum, Mercatura magna, & copiosa:

QVÆSTIONES

cōpioſa: denique Agricultura, qua nihil melius, nihil vberius, nihil dulcius, nihil homine libero dignius.

CAPVT 58.

Præ. **Q**uid præterea in primo officiorum libro agit Cicero?

Diſ. Abſoluta prima quæſtione: Honeſtumne factu ſit, an turpe, quod in deliberationem cadit, tranſit ad ſecundam: Duobus propoſitis honeſtis, vtrum honeſtius.

Præ. *Quid de hac quæſtione, id eſt de honeſtorum comparatione ſcribit?*

Diſ. Pluribus contendit, officijs prudentiæ, præponenda eſſe officia iuſtitiæ.

Præ. *Quibus argumentis ſententiam ſuam confirmare conatur?*

Diſ. Primò à neceſſitate ſocietatis humanæ, & communitatſ, ex qua iuſtitiæ promanant officia. Hęc enim communitas adeo neceſſaria eſt, vt ſi quis omnium rerum affluentibus copijs ditetur, quamuis omnia cognitione digna contempletur, tamē ſi hac careat, excedat è vita neceſſe eſt. deinde à dignitate iuſtitię, quę in ſapientia illa cōtinetur, quam *σοφία* Gręci vocant, quę omnium virtutum princeps eſt.

Præ. *An non eadem res eſt: Sapientia, & Prudentia?*

Diſ.

IN LIBRVM I.

Dis. Nequaquam. Prudentia enim est sola scientia rerum expetendarum, fugiendarumque. Illa autem (quam dixi) sapientia, est rerum diuinarum, atque humanarum scientia, in qua continetur Dei, & hominum communitas, & societas inter ipsos.

Præ. Quibus præterea argumentis docet, Prudentia officijs anteponenda esse officia iustitiæ?

Dis. Factis & exemplis optimorum: qui omnia cognitionis officia relinquent, & abijcient, quæcunque illa sint, vt patriæ, in periculo, & discrimine constitutæ subueniant, & opitulentur: Deinde omnem cognitionem, atq; scientiam suam, ad aliorum vtilitatem, (quæ iustitiæ munus est) retulerunt: doctrinæ studijs, iustitiæ adiunxerunt officia: quod Lysie, Platonis, & sui ipsius ostendit exemplis.

CAPVT 59.

Præ. Quid præterea de honestorum comparatione scribit?

Dis. Pauca addit de comparatione Iustitiæ, & Temperantiæ. Sunt quædam (inquit) partim ita scæda: partim ita flagitiosa, moderationi, modestiæque repugnantia, vt ea ne conseruandæ quidem patriæ causa, sapiens facturus sit. quo argumento à contrario, persuadere sibi videtur temperantiæ munera quædam, anteponenda esse iustitiæ officiis:
tamen

QVÆSTIONES

tamen quia non potest accidere tempus, vt
interfit reip. quicquam illorum facere sapi-
entem: in officiis deligendis, id genus offici-
orum excellere ait, quod teneatur hominum
societate. Deniq; in ipsa communitate, gra-
dus officiorū esse dicit: vt prima deo immor-
tali, secunda patriæ, tertia parentibus, dein-
ceps gradatim, reliqua reliquis debeantur.

QVÆSTIONES IN LIBRVM SECVNDVM.

CAPVT PRIMVM.

Præ.



Dis.

*VID agit Cicero in
secundi libri capite
primo?*

Primo totius libri
argumento pro-
posito, rationem

reddit, cur à negotijs publicis se remouens,
ad Philosophiæ studium se contulerit, tan-
tumque operæ, & temporis in ea posuerit.
Hic obiter quædam disputat in Philosophiæ
laudē. Denique occurrit obiectioni eorum,
qui dicunt, eum non satis constanter facere,
qui

IN LIBRVM II.

qui (cum Academicus sit, cuius sectæ philosophi, nihil percipi posse dicant) tamen præcepta officij persequatur.

Præ. *Quodnam est totius libri argumentum?*

Dis. Id quod in primi libri, capite quarto propositum erat, videlicet: ut doceat quid utile, quid inutile, tum ex utilibus, quid utilius, aut quid maximè utile.

Præ. *Quomodo Philosophiam laudat?*

Dis. Ab etymo, seu etymologia nominis, à definitione, postremò ab effectibus philosophiæ.

Præ. *Quodnam est Philosophie etymon, seu nominis interpretatio?*

Dis. Studium sapientiæ.

Præ. *Quid est sapientia?*

Dis. Est rerum diuinarum, & humanarum, causarumq; quibus hæ res continentur, scientia.

Præ. *Quid est Philosophia?*

Dis. Est ars, per quam assequamur bene beateque viuendi rationem. In hac definitione quidam philosophiæ effectus continentur.

Præ. *Qui sunt eius effectus?*

Dis. Primò valet ad bene, beateq; viuendum: deinde ad delectationem animi, requiemque curarum.

CA-

QVÆSTIONES

CAPVT 2.

Præ. Q *Vid agit Cicero in libri secundi capite secundo?*

Dis. Libri argumento repetito, docet confusa esse hæc: Honestum, & vtile, atque cogitatione solummodo distingui, nimirum non honestum esse aliquid, quod vtile non esset. nec vtile, quod non honestum. Itaque concludit, honestis consilijs, iustisque factis, non fraude, & malitia, ea quæ vtilia sunt consequenda esse.

CAPVT 3.

Præ. Q *Vid agit in libri secundi capite tertio?*

Dis. Præcedenti capiti diuisionem earum rerum annectit, quæ ad vitam hominū tuendam pertinent: deinde quomodo fructus, vtilitatesque ex ijsdem percipiuntur docet.

Præ. *Quomodo res viles, atq, fructuosas diuidit?*

Dis. Hæ (inquit) partim animatæ sunt, partim inanimatæ. Animatarum aliæ sunt rationis expertes, aliæ ratione vtentes. Ratione vtentium duo genera ponuntur, vnum est rerum incorporearum, vt Deus, & Angeli, quos ille deos appellat: alterum corporearum, cuius generis sunt homines.

Præ. *Quomodo ex rebus inanimatis, & ex animatis*

IN LIBRUM II.

animatis rationis expertibus, fructus & utilitates percipiamus?

Dis. Quæ in rebus inanimis, & etiam animatis rationis expertibus, id est: quæ in visu, & tractatione belluarum fiunt utiliter ad hominum vitam, artibus ea tribuuntur operosis. Hæc enim hominum manu, operis, & artibus efficiuntur: valetudinis curatio, nauigatio, agricultura, frugum, fructuumque reliquorum perceptio, & conseruatio, earum rerum quibus abundemus exportatio, & earum quibus egeremus inuectio, lapides, & terra excisi, ferrum, aurum, æs, argentum, effossa, tecta, ductus aquarum, deriuationes fluminum, agrorum irrigationes, moles oppositæ fluctibus, portus manu facti, Vrbes denique, leges, iura, certa que viuendi disciplina, per quæ bene, beate que viuitur.

Præ. *Quomodo ex rebus animatis ratione utentibus, utilitates percipiamus?*

Dis. Deum placatum, beneuolumque pietas efficit, & sanctitas: Hominum autem studia, ad amplificationem nostrarum rerum, prompta, & parata, virorum præstantium sapientia, & virtute excitantur.

Præ. *In quot rebus ponitur virtus?*

In tribus: quarum vna est in perspicendo, quid in quaque re verum, syncerumque sit,

QVÆSTIONES!

fit, quid consentaneum cuique, quid consequens, ex quo quæque gignantur, quæ cuiusque rei sit causa. alterum cohibere motus animi turbatos, (quos Græci *παιδεία* nominant) appetitionesque (quas illi *πράξεις*) obediētes efficere rationi. Tertium ijs, quibus cum congregamur, uti moderate, & sciēter: quorum studijs ea quæ natura desiderat, expleta, cumulataque habeamus, per eos denique si quid importetur nobis incommodi, propulsemus.

CAPVT 4.

Præ. **Q**uoniam modi hominum studia, ad utilitates nostras allicere, atque excitare possumus?

Dis. Quæcunque homines homini tribuunt, ad eum augendum, atque honestandum; aut benevolentiae gratia faciunt, cum aliqua de causa quempiam diligunt: aut honoris, si cuius virtutem suscipiunt; & si quem dignum fortuna quam amplissima putant; aut cui fidem habent, & bene de rebus suis consulere arbitrantur: aut cuius opes metuunt: aut contra à quibus aliud expectant: aut cum reges, popularesve homines, largitiones aliquas proponunt: aut postremo precio, ac mercede ducuntur: quæ sordidissima quidem est ratio, & inquinatissima, & ijs qui ea tenentur,

&

IN LIBRVM II.

& illis, qui ad eam confugere conantur. Hęc in quarto capite à Ciccone proponuntur.

CAPVT 5.

Præ. *Quid agit in quinto capite?*

Dis. *Rei*um omnium (inquit) nec aptius est quicquam ad opes tuendas, ac tenendas, quàm diligere, nec alienius quàm timere. Itaque metum, exitiosum esse & principibus reip. gubernantibus, & etiam rebus publicis, quibusdam docet argumentis, præcipuè exemplis externis & domesticis. Hoc cum fecerit, gloriam proponit de qua disputet, quoniam ea in rebus maioribus administrandis adiuuat plurimùm.

CAPVT 6.

Præ. *Ex quibus rebus constat gloria?*

Dis. *E* Summa, & perfecta gloria constat ex his tribus: Si diligit multitudo, si fidem habet, si cum admiratione quadam, honore dignos putet reip. capeffentes.

CAPVT 7.

Præ. *Quibus rationibus fiet ut eos diligat multitudo?*

Dis. Beneficijs maximè, secundò beneficia voluntate, si res fortè non suppetit: item ipsa fama, & opinione liberalitatis, beneficentiæ, iustitiæ, fidei, omniumque earum virtutum, quę pertinent ad mansuetudinem

D I.

morum

QVÆSTIONES

morum, ac facilitatem.

CAPVT 8.

præ. *Q*uibus rebus efficitur ut habeatur fides?

Dis. Duabus: Prudentia, & Iustitia. Nam & ijs fidem habemus, quos & futura prospicere credimus, & cum res agatur, in discrimenque ventum sit, expedire rem, & consilium ex tempore capere posse: Iustis autem, & fidis hominibus, id est viris bonis ita fides habetur, ut nulla sit in his fraudis, iniuriæue suspicio. Itaque his salutem nostram, his fortunas, his liberos rectissime committi arbitramur.

præ. *Utra harum rerum ad fidem faciendam plus pollet?*

Dis. Iustitia quippe cum ea sine prudentia satis habeat authoritatis, prudentia sine Iustitia, nihil valeat ad faciendam fidem.

CAPVT 9.

præ. *Q*uæ res maxime admirationem hominum excitant?

Dis. Eos admiramur & suspicimus, in quibus existimamus nos excellentes quasdam & singulares virtutes perspicere.

præ. *An igitur improbos omnes contemnimus?*

Dis. Minimè. Nam maledicos, fraudulentos, & ad faciendam iniuriam instructos, non despiciamus illos quidem, sed metuemus,

aut

IN LIBRUM II.

aut de his malè existimamus.

præ. *Quos igitur contemnimus?*

Dis. Eos in quibus nihil virtutis, nihil animi, nihil neruorum inesse putamus: qui nec sibi, nec alteri profunt: in quibus nullus labor, nulla industria, nulla cura est.

præ. *Quæ sunt illæ virtutes, quæ admirationem hominum excitant?*

Dis. Iustitia & rerum eternarum despicientia. Nam eos admiramur, qui anteire ceteros ijs virtutibus putantur: Iustitia, atque vitæ, mortis, diuitiarum, paupertatis despicientia: necnon illos qui cum omni carent dedecore, tum verò ijs vitijs, quibus alij non facile possunt obsistere: ut doloribus in rebus aduersis, & voluptatibus blandissimis dominis, quæ sæpe maiores partes animæ à virtute detorquent.

præ *Simulatione igitur, inani ostentatione, ficto sermone, atq; vultu, gloriam consequamur. Nam his rebus fieri potest, ut homines nos iustos & prudentes existiment.*

Dis. Etsi his rebus hominum animos, ad tempus fallere possimus, tamen stabilem gloriâ his consequi nemo potest. Nam ficta omnia celeriter, tanquàm flosculi decidunt, nec simulatû potest esse quicquam diuturnum. Qui igitur adipisci veram gloriam vo-

QVÆSTIONES

lunt Iustitiæ fungantur officijs. Hæc fusius
nono capite, à Cicerone disputantur.

CAPVT 10.

præ. *Q*uid agitur decimo capite?

Dis. Alias proponit virtutes qui-
bus gloria comparari potest, & quæ multitu-
dinis animos ad benevolentiam alliciant.

præ. *Quanam sunt illæ?*

Dis. Fortitudo bellica, & res gestæ in bel-
lo: modestia, pietas in parentes, & in suos
benevolentia: comitas, affabilitasq; sermo-
nis, atque eloquentia, præcipuè in iudicijs:
ut defensio, & accusatio: Laudabilior verò
est defensio.

præ. *Quæ de accusatione præcepta tradit?*

Dis. Ut semel, aut non sæpe fiat: Sin erit,
cui faciendū est sæpius, reip. tribuat hoc mu-
neris: cuius inimicos vlcisci sæpius non est
reprehendendum. Hoc etiam præceptum
officij diligenter tenendum est, ne quem vn-
quam innocentem iudicio capitis arcessas.

CAPVT 11.

præ. *Q*uam præterea virtutes multi-
tudinis animos, ad benevolentiam alliciant?

Dis. Beneficentia, & liberalitas.

præ. *Quibus modis benignè sit indigentibus?*

Dis. Opera, & pecunia.

præ.

IN LIBRUM II.

Præ. *Vtra harum rationum est præstantior?*

Dis. Liberalitas quæ opera fit, lautior, splendidior, & honestior est, latiusq; patet: ac viro forti, claroque dignior est: quoniam ex virtute depromitur: qua qui utuntur, consuetudine beneficentiæ paratiores erunt, & tanquam exercitatiores ad bene de multis promerendum.

Præ. *Quomodo liberalitate, quæ pecunia fit, utendum est?*

Dis. Nonnunquam largiendum est idoneis hominibus indigentibus, diligenter, non inconsultè. Modus etiam adsit, itque referatur ad facultates. aliàs qui largitione utuntur, prodigi potius, quàm benefici dicantur.

Præ. *Quæ largitionum genera prodigalitatis nomen habent?*

Dis. Epulæ, viscerationes, gladiatorum munera, ludorum, venationumque apparatus, Theatra, porticus, noua templa. &c. quæ pueris, mulierculis, seruis, & liberis seruorum similimis grata esse solent: graui verò homini, & ea quæ fiunt, iudicio certo ponderanti, probari nullo modo possunt.

Præ. *Quæ largitionum genera beneficentiæ nomen habent?*

Dis. Captos à prædonibus redimere, æs alienum suscipere amicorum, illos in filia-

QVÆSTIONES

rum collocatione adiuuare, illis in re qua-
renda, aut augenda opitulari. Hæ item im-
penſæ: Muri, naualia, portus, aquarû ductus,
& quęcunque præterea sunt neceſſarię, aut
vtilis vniuerſis, aut ſingulis.

CAPVT 12.

præ. *Q*uam præterea de hoc liberalitatis
genere præcepta tradit Cicero?

Diſ. Propenſior benignitas eſſe debet in
calamitoſos, q̃ in eos qui res meliores quę-
runt, nullis ſuis rebus aduerſis. In his tamen
adiuuandis, reſtriçti omnino nullo modo eſſe
debemus: ſed in deligendis idoneis, iudici-
um, & diligentiam adhibere. Nam præcla-
rè Ennius: Benefacta malè locata, malefacta
arbitror. Iudicio adhibito redimendi ſunt è
ſeruitute capti: locupletandi tenuiores: con-
uenit tum in dādo munificū eſſe, tum in exi-
gēdo non acerbū: in omniq̃ue re contrahen-
da, vendēdo, emendo, conducēdo, locando,
vicinitatibus, & confinijſ equum, & facilem,
multa multis de iure ſuo concedentem, à li-
tibus verò quantum liceat, & paulo plus etiā
quā liceat abhorrentem: & in ciues & ho-
mines externos hoſpitalem eſſe: ita vt & il-
liberalitatis, auaritięq̃; abſit ſuſpicio, & eti-
am rei familiaris habeatur ratio: quam qui-
dem dilabi ſinere flagitioſum eſt.

CA-

IN LIBRVM II

CAPVT 13.

prę. *Q*uid de altero liberalitatis genere docet?

Dis. *Q*uæ opera, beneficia dantur, tum in vniuersū temp. tum in singulos ciues conferuntur: Huius generis sunt in iure cauere, consilio iuuare, multorum causas, non grauiter sed gratuito defendere: quæ in iure civili, & eloquentia cernuntur officia. Cū autem omnes non possint, ne multi quidem esse aut iuris periti, aut disertī, licet tamen opera prodesse multis commendando iudicibus, aut magistratibus beneficia petentem: vigilando pro re alterius: eos ipsos qui aut consulunt, aut defendunt, rogando.

CAPVT 14.

prę. *Q*uid de hoc liberalitatis genere præcepta tradit?

Dis. In hominibus iuuandis mores spectandi, non fortuna. Itaq; melius apud bonos, quàm apud fortunatos beneficiū collocare: quod cū multis argumentis confirmauerit, hoc etiam addit: Quod si diues, etiam bonus erit vir, ne impediant diuitiæ quò minus iuuetur: sitq; omne iudiciū, non quàm locuples, sed qualis quisq; sit. Denique in beneficijs, operaq; danda, ne quid contra æquitatem contendere, ne quid per iniuriam oportet. Fundamentum enim perpetuę com-

QVÆSTIONES

médationis, & famæ, est Iustitia, sine qua nihil potest esse laudabile. Hæc de eo beneficiorum genere quæ ad singulos spectant, dicta

CAPVT 15. (sunt.

Præ. **Q** *Va de ijs beneficijs quæ ad vniuersos, quæq; ad remp. pertinent, præcepta tradit?*

Dis. Hæc etiam in duo genera diuidit. Nam partim eiusmodi sunt, vt ad vniuersos ciues pertineant, partim singulos vt attingât: quæ sunt etiam gratiora. Danda est opera omnino, si possit vtrisque, nec minus vt etiam singulis consulatur. Inprimis autem videndum erit ei, qui remp. administrabit, vt suum quisq; teneat, neq; de bonis priuatorum publicè diminutio fiat. Danda etiam opera est, ne quod propter ærarij tenuitatem, assiduitatēq; bellorum, tributum sit cōterendum, idq; ne eueniat, multo antè erit prouidendū.

CAPVT 16.

Præ. **Q** *Vid præterea de hoc liberalitatis genere docet?*

Dis. In omni procuratione negotij, & muneris publici, auaritiæ pellēdam esse, etiā minimā suspicionem. Quæ quanta reip. pestis sit, docet testimonio C. Pontij Samnitis, & oraculi Apollinis. Hic obiter abstinentiam, & continentiam laudat. Deinde contra legē
agra-

IN LIBRUM II.

agrariam, & tabulas nouas disputat: quæ cō-
cordiam, atque æquitatem tollunt, & resp.
euertunt. Quæ pettes, vt euitentur, prouiden-
dum, ne sit æs alienum quod resp. noceat.
Omnino ab hoc genere largitionis, vt alijs
detur, alijs auferatur, aberunt ij, qui remp.
tuebuntur: inprimisq; operam dabunt, vt
iuris, & iudiciorum æquitate suum quisq; te-
neat: & neq; tenuiores propter imbecillitatē
circumueniantur, neque locupletibus ad sua
vel tuenda, vel recuperanda obsit inuidia. De-
niq; quibuscunque rebus vel belli, vel domi
poterunt, remp. augeant imperio, agris, ve-
tigalibus.

CAPVT 17.

præ. **Q**uid præterea in hoc libro doces
Cicero?

Dis. Valetudinis, & pecuniæ curationem
non esse negligendam.

præ. *Quibus rebus sustentatur valetudo?*

Dis. Notitia sui corporis, & obseruatio-
ne earum rerum, quæ aut prodesse soleant,
aut obesse, & continentia in victu omni, atq;
cultu, corporis tuendi causa, & prætermittē-
dis voluptatibus, postremò arte eorum, quo-
rum ad scientiam hæc pertinent.

præ. *Quid de pecuniæ curatione præcipit?*

Dis. Res familiaris quæri debet ijs rebus

QVÆSTIONES

à quibus abest carpitudo, conseruari autem diligentia, & parsimonia, iisdem etiam rebus augeri.

CAPVT 18.

Præ. **Q** *Vid præterea agit Cicero in hoc libro?*

Dis. Finita priore quæstione de utili, accedit ad alteram, id est utilitatum comparisonem.

Dis. *Quomodo de hac quæstione disputat?*

Præ. Docet quæ cōmoda comparari solent: nimirū corporis commoda cum externis: & ipsa inter se corporis: & externa cū externis.

Hic (quia ad hunc locum pertinet) interserit illud Catonis senis, qui exposita sententia de ijs quæ maximè in re familiari expedirent, tandem interrogatus quid esset scenerari,

Quid hominem (inquit)
occidere?

(**)

QVÆSTI-

QVAESTIONES IN LIBRVM TERTIVM.

CAPVT PRIMVM.

prz.



*VID agit Cicero in
libri tertiij capite
primo?*

Dis.

Suum otium cum
P. Scipionis otio
confert: Deinde

quomodo otio fruatur docet: denique quare
de officiis ad filium scribat, rationem reddit:
eumq; ad huius doctrine studiū cohortatur.

prz.

Dis.

Q

Vid agit in capite secundo?

Quærit an rectè inducta sit
comparatio utilis, cum ho-
nesto. Constat hanc comparisonem non o-
portere fieri, quoniam utile & honestum
nunquam pugnant. Hæc tamen comparatio
fieri solet ab ijs, qui omnia metiuntur emo-
lumentis, & commodis, non ab ijs, qui con-
servatione officiorum existimantur boni.
Dubitatio autem accidere solet, quale sit id
de quo consideretur, sitné honestum, an tur-
pe, quod utile est. Sepe enim fit, ut quod ple-
rumque turpe haberi soleat, inueniatur non
esse turpe. Ut cum quis tyrannum occidit fa-
milia-

QVÆSTIONES

miliarem : videtur utilitas vicisse honestatem, honestas tamen utilitatem secuta est.

CAPVT 3.

Præ. *Q*uid *videtur in tertio capite?*

Dis. *Q* Formulam quandam constituit, quam si sequemur in comparatione rerum, nunquam ab officio recedemus, sed sine vilo errore diiudicabimus, si quando cum illo quod honestum intelligimus, pugnare id videtur quod appellamus utile.

præ. *Quenam est illa formula?*

Dis. Ut omnibus propositum sit, eandem esse utilitatem vniuscuiusq;, & vniuersorum, & hominem homini detrahere sui commodi causa magis esse contra naturam, quam omnia incommoda subire vel externa, vel corporis, vel etiam ipsius animi, quæ vacent iustitia. Hæc enim vna virtus omnium est domina, & regina virtutum. Huius formulæ veritatem pluribus confirmat argumentis.

CAPVT 4.

Præ. *Q*uid *ex hac formula sequitur?*

Dis. *Q* Nulla turpia, quauis utilitatis speciē habeant, esse vtilia. Nihil enim tam est secundum naturam quam utilitas, nec quicquam est tam contra naturam quam turpitudine. Itaque in eadem re utilitas, & turpitudine esse non potest, quia contraria

IN LIBRVM III.

contraria. Cùm igitur turpitudinem videas adiunctam ei rei, quæ speciem utilitatis attulerit, utilitas requirenda non est. Cum enim homines non probi, aliquid quod utile videtur est, secernunt ab honesto: sicæ, venena, falsa testamenta nascuntur, item furta, peculatus, expilationes, direptionesque socio- rum, & ciuium, & regnandi cupiditates existunt, quibus nihil tetrius, nec fœdus excogitari potest. Quare hoc deliberantium genus pellatur è medio, qui deliberant vtrum id sequantur, quod honestum esse videant, an se scientes scelere contaminent, sui com- modi causa. In ipsa enim dubitatione faci- nus inest, etiam si ad id non peruenerint. Bo- nus autem vir, si Deum, hominesque celare possit, nihil tamen avarè, nihil iniustè, nihil libidinose, nihil incontinenter esse facien- dum putat. Honesti enim bonis viris, non occulta quærentur.

CAPVT 5.

præ. **N**egligendane igitur omnino est no-
stra utilitas?

Dis. Nequaquam. Non enim hoc vult Cicero, nostras utilitates omittendas esse alijque tradendas cùm his ipsi egeamus, sed suæ cuique utilitati seruiendum esse, quod sine alterius iniuria fiat. Nam superi-
ore

*sic et sic
cap. 4.
fin.*

QVÆSTIONES

ore libro ca. 12. docuit rei familiaris habēdā
esse rationē, quā dilabi sinere flagitiosū est.

CAPVT 6.

Præ. *Q*uid præterea docet de hac dubita-
tione, honestūne factū sit, an
turpe, quod videatur utile?

Dis. Docet quantum tribuendum sit a-
micis cū nostra egent opera.

Præ. *Q*uid hac de re præcipit?

Dis. Quæ videntur vtilia, honores, diui-
tiæ, voluptates, & cætera generis eiusdem,
hæc amicitia nunquam sunt antepopenda:
at neque contra temp. neque contra iusiur-
randum, ac fidem amici causa vir bonus fa-
ciat: ne si iudex quidem erit de ipso amico.
Ponit enim personam amici, cū induit iu-
dicis. Hæc summa est sexti capitis.

CAPVT 7.

Præ. *Q*uid agit in septimo capite?

Dis. Plurimis docet exemplis, ni-
hil in reip. administratione faciendum esse
crudeliter, nihil inhumaniter: nec quicquam
quod turpe sit, vtile esse putandum. Hoc e-
nim ipsum (inquit) vtile putare, quod turpe
sit, calamitosum est.

CAPVT 8.

Præ. *Q*uid agit in octauo capite?

Dis. Duas proponit quæstiones,
seu

IN LIBRVM III.

seu causas de re contrahenda, & in vtramq;
partem duos philosophos, Diogenem &
Antipatrum differentes.

Præ. Quæ sunt illæ quæstiones?

Dis. Prior est de venditione frumenti: Si
vir bonus Alexandria Rhodum, magnum
frumenti numerum aduexerit, in Rhodio-
rum inopia, & fame, summaque annonæ ca-
ritate, si idem sciat complures mercatores
Alexandria soluisse, nauesque in cursu, fru-
mento onustas, petentes Rhodum viderit:
dicturusne id sit Rhodijs, an silentio suum
quàm plurimo vediturus? Posterior quæstio
est de ædium venditione: Quæritur si quis
ædes propter aliqua vitia vendat, quæ ipse
nôrit, ceteri ignorêt, & hoc emptoribus ven-
ditor non dixerit, ædesque vendiderit pluris
multo quàm se venditurum putarit: num id
iustè, an improbè fecerit?

CAPVT 9.

Præ. Quid agit in nono capite?

Dis. Superioris capitæ quæstiones
dijudicat: dicens: non videtur nec frumenta-
rius ille Rhodius, nec ædium venditor celare
emptores debuisse.

Præ. Quid est celare?

Dis. Cùm q tu scias, id ignorare emolumen-
ti tui causa velis eos, quorū intersit, id scire.

Præ.

QVÆSTIONES

Præ. Quid præterea in hoc capite agit?

Dis. Reprehendit eos, qui non modò mercium vitia reticent, sed etiam orationis vanitatē adhibent, vt sua pluris vendāt simulant, & mentientes multo pluris esse quàm sint. Hic narrat versutum factū Pythij argentarij, qui Caium Cannium, equitem Romanum, in hortulorū venditione tefellit, atque etiam pluribus verbis de dolo malo differit.

Præ. Quid est dolus malus?

Dis. Dolus malus est, cū aliud simulatum, aliud actū est. ita in simulatione, & dissimulatione continetur. Dissimulatio tamen apud homines sapiētia habetur. Hinc perniciēs maxima: quòd alios bonos, alios sapientes existimant. Hi de sapiētia malè iudicant.

Præ. Quodnā est Ciceronis, de sapiētia iudicium?

Dis. Idem esse sapienter, & honestè facere, atque idem etiam vtile esse, & quod contra fit inutile. Nunquā (inquit) est vtile peccare, quia semper est turpe, & quia semper est honestum virum bonum esse, semper est vtile. Ita eadem utilitatis, quæ honestatis est regula. Has res, natura copulatas, errore diuellere: fons est fraudum, maleficiorum, scelerum omnium.

Præ. Quodnam est aliorū de sapientia iudiciū?

Dis. Malè sentire videtur Ennius, sapientiam
tiam

IN LIBRVM III.

tiam ab honesto separans, ubi dicit: Nequic-
quā sapere sapientem, qui ipse sibi prodesse
nequiret. Verè tamen, si quid esset prodesse,
illi cum Cicerone conuehired. Malè etiam
Hecaton Rhodius, Panætij discipulus: qui
sapientis esse dicit, nihil contra mores, leges,
instituta facientem, habere rationem rei fa-
miliaris.

Præ. *Quid interest inter Ciceronis, & He-
catonis iudicium?*

Dis. Cicero ut philosophus (qui in tol-
lendis astutijs naturæ leges sequitur) Heca-
ton verò potius ut iurisperitus (qui hone-
stum moribus, legibus, & institutis meretur)
de sapientia differit.

Præ. *Quomodo leges, quomodo verò Philoso-
phi tollunt astutias?*

Dis. Leges quatenus manu tenèrè res
possunt. Philosophi quatenus ratione, & in-
telligentia. Ratio verò postulat, ne quid in-
fidiòse, ne quid simulatè, ne quid fallaciter
fiat. Cicero verò omnem reticentiam in vi-
tiosis mercibus vendendis, ab honesto quod
naturæ lege sancitum est) eleganti similitu-
dine excludit.

Præ. *Quanam est illa?*

Dis. Sicut sunt infidiæ, tendere plagas, e-
tiam si excitaturus non sis, nec agitaturus

QVÆSTIONES

(ipsæ enim feræ, nullo insequente, sæpe incidunt) sic est fallaciter atque insidiosè facere, cum ædes vitiosas proscribas, tabulam tanquam plagam portas, domum propter vitia, quæ retices, vendas, atque in eam aliquis incurrat imprudens. Quod de ædibus, idem de omnibus vitiosis mercibus dicit Cicero: fraudulentam reticentiam esse fugiendam.

Præ. Quis Ciceronis iudicio sapiens est?

Dis. Quicumque bonus est vir.

Præ. Quanam boni viri est descriptio?

Dis. Bonus vir is est, qui profit quibus potest, nocet nemini: cui non quicquam videri potest esse vtile, quod non honestum sit: qui nihil cuiquam, quod in se transferat, detrahet: qui nihil quod turpe sit, utilitatis suæ causa faciet, etiam si Deum atque homines celare posset: qui denique ne cogitare quicquam audebit, quod non audeat prædicare: de quo trito vetustate prouerbio dictum est; Dignus est quicum in tenebris mices.

Præ. Vbi igitur virum bonum reperiās?

Dis. Ex Fimbriæ cuiusdam sententia nusquam virum bonum reperiendum esse statuit, cum ea res innumerabilibus officijs, & laudibus contineretur.

CA-

IN LIBRVM III.

CAPVT 10.

Præ. **Q**uid agit Cicero in decimo capite?

Dis. **Q** plurimas ex Hecatore, & alijs proponit quæstiones, in quibus vtile, & honestum pugnare videntur. Quasdam de promissis seruandis, de quibus capite decimo tertio, libri primi, disputauit.

CAPVT 11.

Præ. **Q**uid agit Cicero in vndecimo capite?

Dis. Exemplo Vlyssis, Reguli, & aliorum docet vtilia, quæ videntur, cum fortitudine pugnantia, non esse facienda: atque pluribus verbis laudat Regulæ factum; & aliorum respondet obiectionibus, qui illud non approbant. Denique fortitudinis proprium iurandi, & periurij definitionem interponit.

præ. *Quid est fortitudinis proprium?*

Dis. Nihil extimescere, omnia humana despiciere, nihil quod homini accidere possit, intolerandum putare.

Præ. *Quid est iniurandum?*

Dis. Est affirmatio religiosa, quæ Deo teste aliquid promittimus.

præ. *Quid est periurium?*

Dis. Periuriū est non facere id quod ex animi tui sententiā iuraueris: vel periurium est non præstare illud quod quasi Deo teste promiseris.

QVÆSTIONES

CAPVT 12.

præ. *Q*uid agit Cicero in duodecimo capite?

Dis. Reprehendit Epicuros, & illorum imminuere opinionem conatur, qui summum bonum in voluptate ponunt: quæ omnis temperantiæ est contraria: quæque si utilitatis speciem habere dicatur, nulla potest esse ei cum honestate coniunctio.

CAPVT 13.

præ. *Q*uid agit in decimo tertio capite?

Dis. Fine huic operi imposito, paucis hortatur filium, ut hos de officiis libros diligenter legat.

præ. Narrasti certè probè. Probo acumen, laudo memoriam. Nunc ergo cum & voluntati meæ satis, & tuo pro tua tenuitate plus satis officio feceris, missum te iam faciam, donec altiora cogitandi liberior utrisq; dabitur posterior occasio.

Dis. Bene vale (humanissime præceptor) meamque operam tam tibi gratam fuisse habeo gratiam. Erit hoc mihi satis in posterum argumenti, & tuam prædicandi mansuetudinem, & meam excitandi diligentiam.

FINIS.

Quæ sunt fusa. placent, paruo distincta libello:

Quæ confusa magis, sunt mihi grata minus.

I. P. IOHANNENSIS.